



«ՍԵՎԱՆԻ Խ.ԱԲՈՎՅԱՆԻ ԱՆՎԱՆ ԱՎԱԳ ԴՊՐՈՑ»

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022**

**ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ ԹԵՄԱ
ԱՇԽԱՐՀԱՅԱՑՔԻ ՁԵՎԱՎՈՐՈՒՄԸ ՀՐ. ՄԱԹԵՎՈՍՅԱՆԻ**

<<ԱՇՆԱՆ ԱՐԵՎ>> ՎԻՊԱԿՈՒՄ

ԱՌԱՐԿԱ

ՀԱՅՈՑ ԼԵՉՈՒ ԵՎ ԳՐԱԿԱՆՈՒԹՅՈՒՆ

ՀԵՂԻՆԱԿ

ՀԱՍՄԻԿ ՀՈՎՀԱՆՆԻՍՅԱՆ

ՈՒՍՈՒՄՆԱԿԱՆ

ՀԱՍՏԱՏՈՒԹՅՈՒՆ

**<<ՍԵՎԱՆԻ
ՊՈԱԿ**

№ 6 ՄԻԶՆ. ԴՊՐՈՑ>>

Բովանդակություն

1. Ներածություն	3
2. <<Աշևան արև>>	5
3. Եզրակացություն.....	17
4. Օգտագործած գրականության ցանկ.....	18

Նոյան <<... Առասպելի ջրհեղեղը եթե կրկնվեր՝
հողագործության և պես կարող էի վերստեղծել
ագ- անասնապահության մեծ մշակույթները ...
վար- գականներիս ու երկրացիներիս այն օրերի
բարո- քից կարող էի նորից ժողովել մարդկային
 յականության օրենսգիրքը...>>:
Յրանտ Մաթևոսյան

Ներածություն

Արդի ինֆորմացիոն աղբյուրների բազմազանության մեջ ավելի է կարևորվում

գրականության դերը մատաղ սերնդի աշխարհայացքի ձևավորման գործում:

Շատ կարևոր է, որ սովորողները կարողանան գնահատել սեփական երկրի սոցիալ – տնտեսական, քաղաքական, գիտական մտքի զարգացումները, արժևորել տնտեսական հաջողությունների նշանակությունը, մեր երկրին սպառնացող վտանգներն ու մարտահրավերները և իրենց դերը հայրենիք կերտելու գործում:

Գրական երկի ուսումնասիրությունը հնարավորություն է տալիս հասկանալու հեղինակի ասելիքը, հերոսների արարքների դրդապատճառները: Գրական հե

րոսների արարքների, բնավորության վերլուծությունը հնարավորություն է տալիս հասկանալու, ճանաչելու ինքն իրեն և այլ մարդկանց, և այս ամենի շնորհիվ սովորողը կկարողանա կյանքում հարաբերություններ հաստատել, ճիշտ հաղորդակցվել մարդկանց հետ: Այս ամենը առավել խիստ անհրաժեշտ է մեր օրերում, երբ սոցիալ – տնտեսական և քաղաքական իրավիճակը բարդացնում է անհատի կայացման, նրա կայուն բարոյահոգեբանական աշխարհայացքի ձևավորման գործընթացները:

Այս առումով հետաքրքիր գաղափարներ է արժարժում Հրանտ Մաթևոսյանի ողջ ստեղծագործությունը, մասնավորապես „Աշնան արև” վիպակը: Մաթևոսյանի

ստեղծագործության օբյեկտը գյուղն է և գյուղաշխարհի մարդիկ: Սակայն գյուղն

է գրողի արտացոլման օբյեկտը, թե քաղաքը, երկու դեպքում էլ խնդիրը մարդու ներաշխարհի բացահայտումն է, նրա կերպավորումը: Եվ քանի որ Հր. Մաթևոսյանի ստեղծագործությունն ուսումնասիրվում է 12-րդ դասարանում, ապա սովորողներին հասկանալի կլինի գրողի ասելիքը և խորհելու տեղիք կտա, նրանք կկարողանան ըստ արժանվույն գնահատել այդ երկը:

Այս աշխատանքի նպատակն է ներկայացնել Հր. Մաթևոսյանի „Աշնան արև” վիպակը, գաղափարը, արժարժվող խնդիրները և հերոսների աշխարհայացքը:

ԱՇՆԱՆ ԱՐԵՎ

<< ... Շատ կուզենայի՝ որ իմ հովիտը մեծ ու արևոտ լիներ, կուզենայի, որ նրա բնակիչները միայն լավ մարդիկ լինեին ու վատերի համար իմ հովտում տեղ չլիներ, որ մարդկանց կյանքը ծաղկեր լավ ժամանակներում և պատերազմն ու խեղճ թշնամանքը իմ հովիտ խուժելու միջոց չունենային...>> - այսպես է դի –

մում Զրանտ Մաթևոսյանը իր ընթերցողներին: (Երկեր, հատոր 1, էջ 3, 1985թ)

Զրանտ Մաթևոսյանի հովիտը Ծմակուտն է, Անտառամեջը, Ահիճորը՝ հովվերգական աշխարհ, որ իչպես գրողն է ասում, << շատ ավելի Թումանյանի-Տելստոյի – Բսենոփոնի ժամանակներին էր մոտ, քան մեր այսօրվան>>: Պատկերելով կենսական նոր հարաբերությունների մեջ հայտնված գյուղը՝ նա ստեղծում է ազգային գրականություն: Տոհմի կանչին ունկնդիր և երկրի քիղը լինելու իրենց կոչմանը հավատարիմ մաթևոսյանական կերպարները հայ գրականության

մնայուն արժեքներից են: Զրանտ Մաթևոսյանի արձակը կերպարների մտածողու-

թյամբ և հոգեբանությամբ խորապես ազգային ու համամարդկային է:

Առհասարակ գրողի խնդիրը մարդկային բազմատեսակ հարաբերությունների, մարդկանց ներաշխարհի, նրանց կապերի, ձգտումների, երազների ու վարքագծի

բացահայտումն է: Մարդիկ կապված են միմյանց հետ հարևանությամբ, ազգակ-

ցական կապերով, ունեն իրենց մարդկային արժանապատվությունը, կյանքի արժեքները գնահատելու իրենց սկզբունքները: Հրանտ Մաթևոսյանի արձակում, լինի դա „Աշնան արև“, „Մենք ենք, մեր սարերը“, „Գոմեշը“ , „Խումհար“ , „Տերը”

վիպակները, թե պատմվածքները, հայ գյուղը երևում է ժողովրդի ճակատագրում

ունեցած իմաստային նոր դերով:

Հրանտ Մաթևոսյանի „Աշնան արև” վիպակը նոր խոսք է ազգային գրականու-

թյան մեջ: Գրողը կերտում է կերպարներ, որոնք արտահայտում են մի կողմից հայրերի ու որդիների, մյուս կողմից գյուղի ու քաղաքի գոյաբանական առանձնահատկությունները: „Աշնան արև” վիպակը երեք սերունդ է ներկայացնում, երեք սերնդի հոգեբանությունն ու արժեքային համակարգը: Երեք սերնդի հերոս-

ները ատաղձվում են են վիպակի հերոսուհու՝ Աղունի կերպարին, բացահայտում ու լրացնում են մեկը մյուսին:

Վիպակի համար Մաթևոսյանն ընտրել է վերիուշի ձևը: Ժամանակային այս

համակցումը բացահայտում է տարբեր սերունդների աշխարհայացքը, նրանց բարոյահոգեբանական աշխարհընկալումը, ավագ և կրտսեր սերունդների մտածե-

կերպը, միմյանց նկատմամբ վերաբերմուբքը, գյուղի և քաղաքի հակադրությունը:

Եվ քանի որ Մաթևոսյանի բոլոր ստեղծագործություններում արտացոլվում է հայ

գյուղն ու գյուղացու կյանքը, աշխատանքը, գրողին համարում են գյուղագիր:

60 – ական թվականների կեսերին սկզբնավորված այս արձակը պատկերում է գյուղաշխարհի անցյալն ու ներկան, իսկ գյուղաշխարհի մարդիկ ձգտում են մոտենալ քաղաքին ու քաղաքային կյանքին: Քաղաքակրթությունը մտել է գյուղ և գյուղացին արդեն իր կենցաղով, մտածելակերպով մոտենում է քաղաքին:

Վիպակում հիմնական սյուժեն զարգանում է հերոսուհու վերհուշի միջոցով:

Աղունը գնում է քաղաք՝ որդուն ամուսնացնելու, և իր ունեցվածքից բաժին է հա-

նում որդուն: Այդ ընթացքում Աղունի հուշերի միջոցով մեր առջև պատկերվում է նրա ողջ կյանքը՝ իր ծննդից մինչև ներկան: Վիպակի բոլոր կերպարները մարդիկ են՝ իրենց հոգսերով, ծանր հիշողություններով, երազանքներով և ամենականորը՝ ապագայի նկատմամբ ունեցած ակնկալիքներով: Եվ բոլոր հերոսներն էլ՝ Աղունը, Սիմոնը, սկեսուրը, Աբել ապին, Սերոն, Արմենակը և այլք, ունեն իրենց ուրույն աշխարհայացքը: Տարբեր արժեքային համակարգում են ապրում հատկապես վիպակի կին հերոսները. նրանցից յուրաքանչյուրը դժգոհ է իրեն բաժին հասած կյանքի ժամանակից:

Վիպակի հերոսուհին՝ Աղունը, անհերքելի խռովքի մեջ է: Նա „սառը պատերազմի” մեջ է „Ծմակուտի” դեմ: Սիմոնենց ընտանիքն է նրա Ծմակուտը, նրանց

դեմ է նրա պատերազմը: Այստեղ՝ այս ընտանիքում պիտի իրականանային Աղունի փայփայած երազները, կյանքը պետք է իր ցանկալի գույները գտներ, և Աղունը թերևս միշտ Աղունիկ պիտի մնար, ոչ թե դառնար „առնաուտ” հալածյալ վանքերեցի „անիծյալ ցեղի” ներկայացուցիչ: Երկնամերձ դրյակներ չեն եղել Աղունի երազածները, և ոչ էլ նա երբևէ մտածել է անհոգ ու ցուփ կյանքի մասին: Հարկ

եղած դեպքում տղամարդու պես մաճ է բռնել, վար արել ու չի տրտնջացել:

Հոգեկան բավականություն. այս մասին է խոսքը, կարոտով սրան է սպասել վանքերեցի դեռատի աղջնակը, սպասել է ողջ կյանքում և չի գտել: Չեն գնահատել նրան Սիմոնենց տանը, ուր հարս էր գնացել, և այդ դեպքում արդեն երազային ցանկությունները, ջերմությունը փոխակերպվում են տենդի, խռովվում է հոգին, և հոգեկան անսպառ ուժ է հարկավոր այդ կյանքի հետ հաշտվելու և կյանքի դժվարությունները տանելու. „օ~ֆ, երանի կանաչ գերեզմանոցում ննջողներին” (Երկեր, 1985թ. հ. 2, էջ100) :

Աղունը օժտված է հոգևոր մեծ ուժով: Հակառակ ափերում են մնացել Աղունի երազանքն ու իրականությունը: Նա ոչ միայն չի գտել „լավը”, այլև ծեծվել ու հալածվել է, այդ պատճառով էլ արդարացի են նրա բողոքն ու խռովքը: Այստեղից էլ, անառարկելիորեն կեսաձև դարձած, երբեք, ոչ մի պարագայում տեղի չտվող հստակ դիրքորոշում և ներքին անբավարարվածություն, բնականաբար նաև՝ երբեք չխաղաղվող մարդկային խոր դրամա, որը չի հանդուրժում ոչ մի կարծիք:

Աղունը տարբերվում է մեր գրականության մեջ եղած կանանց կերպարներից: Կարծում եմ, որ սովորողը անմիջապես կտեսնի այդ տարբերությունը , համեմատություն կանցկացնի համեստ, իրենց ամուսիններին հնազանդ, նահապետական

հայ կնոջ և ուժեղ կամքի տեր, համառ, ինչ - որ տեղ նաև ագրեսիվ Աղունի միջև:

Սակայն Աղունի ագրեսիվությունը կարելի է նաև արդարացնել, քանի որ ապրած

կյանքն է նրան այդպես դարձրել: Նա երազանքներ ուներ , սակայն նրա երազանքները փշրվում են սկսած խորթ մոր դաժան վերաբերմունքից, որին հաջոր-

դում են ամուսնությունից հետո ապրած վիշտն ու տառապանքը, ամուսնու ընտա-

նիքի հետ ունեցած վեճերը: Նա նպատակասլաց անձնավորություն է, ձգտում է համառորեն, թեկուզ գոհողությունների գնով, ծեծվելով հասնել իր նպատակին: „... այդ տան ամեն մի իրը ստեղծվել է ծեծվելու գնով...” (Երկեր, 1985թ. հ. 2, Էջ23) :

Աղունի բնավորությունը հակասություններով լի է: Մի դեպքում մենք տեսնում

ենք աշխատասեր, տոկուն, հոգատար, նպատակասլաց մի կնոջ, որը ամեն գոհողության գնում է, միայն թե ստեղծի իր տունը, ապրուստը, երջանիկ լինի իր ըն-

տանիքով, սիրի և սիրվի, զավակներին տեսնի ապահով ու երջանիկ: Մյուս դեպքում տեսնում ենք հոգևած, չար, „ջղային”, անհանգիստ, խայթող ու ծաղրող մի կնոջ, որին չի բավարարում ոչինչ ու ոչ ոք: Նա խայթում ու ծաղրում է սկեսրոջը, Սիմոնին, Աբել տեգորը, հարևանուհի Արուսին, քանի որ ինքն „անհաշտ է, լավ կլինեն՝ լավ կլինեմ, վատ եղան՝ վատ, ես անհաշտ եմ: ...Ամեն ոք ինձանից արժանին է ստանում ... (Երկեր, 1985թ. հ. 2, Էջ29-30) :

Քաղաքի հանդեպ ունեցած մտահոգությունները Աղունին ստիպում են վերապրել գյուղի՝ իր բարդ, բազմաչարչար կյանքը: Նա համեմատում է իր „հոր պալատները և ամուսնու գոմը”: Նա հակամարտության մեջ է շրջապատի հետ, որովհետև ապրելու իր եղանակը փորձում է պարտադրել շրջապատին: Նա դեմ է համակերպությանը, խոնարհ չի, Սիմոնի ցեղին համարում է լավկան ու փափուկ,

և իր հայր Իշխանից ժառանգած մաքառող, մարտական վարքագիծը հակադրում է

Նրանց: Կյանքի վերաբերյալ Աղունն ունի իր փիլիսոփայությունը: Նրա կարծիքով կյանքը մարդուն տրվում էմեկ անգամ, ուստի պետք է այն ապրել արժանավայել: Սակայն Աղունը գիտակցում է, որ հաճախ ազնվությունն ու լավ ապրելը չեն համատեղվում, „Լավն այն է, որ ունեցվի լավ ապրելու հետ մաքուր անուն էլ“: Նա փոքր որդուն հորդորում է ճիշտ ապրել, քանի որ „ ճանապարհները շատ են, կամքը՝ մեկ“:

Սակայն Մաթևոսյանը Աղունին իդեալ կերպար չի դարձնում, որովհետև Աղունի

փիլիսոփայությունն ու վարքագիծը ունեն իրենց թերի կողմերը: Նրա կյանքը զուրկանքների շարան է, գրեթե չկա ուրախություն, հրճվանք ու սեր: Ինչ-որ բանի հասնելու նրա տենդագին ձգտումը դժգոհություն է առաջացնում մերձավորների մեջ: Նա մերժված է, չգնահատված, օտարված, „առնաուտ“, ջղախտով հիվանդ:

Գրողը Աղունի կերպարով անդրադառնում է հայ կնոջ հիմնախնդիրներին:

Չսիրած ամուսնուն հավատարիմ Աղունը ցանկանում է լինել երջանիկ ու գնահատված, սակայն չի սիրում և չի ընդունում սկեսրոջ հնազանդությունը, իր վիճակի հետ հաշտ ապրելու նրա համառությունը: „Կինը կին է ...Քսանհինգ տարի

է էս տանն ես, սրտից եկած մի խոսք չես ասել երեխուս: Կինը կին պիտի լինի ...” (Երկեր, 1985թ. հ. 2, էջ29): Աղունի աշխարհայացքը իր տեսակի մեջ ձևա-

վորվել է ոչ որպես սիրող կնոջ աշխարհայացք, ով իր ամուսնու հետ միասին մի լծի լծված եզների նման իրար հասկանում են ու իրար ինայում, այլ՝ ձևավորվել է ինքնահաստատման ձգտող մարդու աշխարհայացք, որով նա փորձում է գտնել և հաստատել իր „ես“-ը: Աշխարհայացքների բախումների միջոցով, հանձին

Աղունի և սկեսրոջ՝ գրողը կերտել է երկու իրարամերժ, արժեքային տարբեր

համակարգ ունեցող կերպարներ: Սկեսուրն իր ամուսնու և ընտանիքի համար կայացել է որպես մի հեզ հայուհի (չնայած կողպեքածեծ էր տալիս Աղունին), իսկ Աղունի աշխարհայացքը ձևավորվել և նա ինքնահաստատվել է՝ հոր փուչ անունը բարձրացնելու, սեփական հպարտությունը արժևորելու, և իր ես-ի հիվանդագին ճշմարտացիությունն ապացուցելու համար հաղթահարելով մեծագույն արգելքներ.

Աղունի արժեքային համակարգը տրոհված է, որը ավելի է մեծանում՝ պայմանավորված քաղաքում տղայի ու հարսի հետ սպասվելիք հանդիպման մտահոգությամբ: Նա քաղաք է գնում իր անձանոթ հարսին նվերներով ողողելու՝ չմտածելով, որ նա կարող է իր ստեղծածը ամենևին էլ չարժևորել: Աղունը ձգտում է ինքնահաստատման ոչ թե դիմացինի հանդեպ ունեցած սիրուց, այլ հանուն սե-

փական ճշմարտացիության ապացույցի: Նա դժգոհում է ամուսնու՝ Սիմոնի ընտանիքից, իր ճակատագրից, „...աշխարհը լիքը տղա, գնա, Աղունիկ, Սիմոնից մարդ սարքիր, գոմից տուն սարքիր, Արմենակից Արմենակ սարքիր...” (Երկեր, 1985թ. հ. 2, էջ8):

Աղունը, չնայած ժրաջան, մեղվի նման աշխատանքին, չի հասել ունևորության

այն մակարդակին, որի մասին երազում էր, և այստեղից էլ ծայր է առնում նրա՝

սոցիալական անհանդուրժողականությունը շրջապատի նկատմամբ: Նա հպարտ է, որ, ի տարբերություն հարևանների՝ որդուն բաժին է հանում իր քրտինքով ստեղ-

ծած ունեցվածքից. „Արտաշը կոլխոզը կողոպտեց, կողոպտեց, կողոպտեց, իսկ տղայի բաժինքը մի գորգ էր ու մի անկողին ...” (Երկեր, 1985թ. հ. 2, էջ7): Նա վի-

պակի սկզբից մինչև վերջ բանավիճում է իր հետ, Սիմոնի հետ, սկեսուրի ու Ա-

րուսի հետ, և ի վերջո նրա բանավեճը իրականության հետ է: Չիրականացած երա-

զանքները նրան օժտել են հիմնավորված և չհիմնավորված ձգտումներով: Հիմնա-

վորվածության վկայությունն է նրա՝ „Հիմա գնա ասա, որ Սիմոնի Աղունը մի կարպետով բաժանվեց, իսկ հիմա տղայի համար դաշնամուր է առնում ...”(Երկեր,

1985թ. հ. 2, Էջ 39): Չհիմնավորված է, քանի որ նա չի հանդուրժում ոչինչ և ոչ

ոքի, որովհետև կարծում է, որ կյանքը փորձությունների է ենթարկել միայն իրեն:

Նա չի ընդունում, որ և՛ ինքը, և՛ հարևանուհի Արուսը նույն գյուղում, նույն կյան-

քով են ապրում: Բայց Արուսը իր կյանքով ուրախ է, իսկ Աղունը չի ուրախանում,

և ինքը դա հասկանում է: Թեև կյանքի հարվածները զգալիորեն դառնացրել են

Աղունին, բայց նա լավկան ու հոռետես չէ: Նա հավատով է նայում վաղվա օրվան,

Արմենակ որդու ապագային:

Վիպակի բոլոր կերպարները հանդես են գալիս Աղունի հետ ունեցած առնչու-
թյամբ: Որքան վառ, գունեղ և ըմբոստ է Աղունի կերպարը, նույնքան հանդուրժող,

հանգիստ և առաջին հայացքից անճար է Սիմոնը: Իր խեղճ բնավորության պատ-

ճառով „Սիմոն” անունը Աղունի բառապաշարում օգտագործվում է իբրև անճա-

րակության, անկարողության հոմանիշ: Սիմոնը աշխատավոր մարդ է, իր ընտանի-

քի ապրուստը հոգալու համար գիշեր – ցերեկ աշխատում է, իր կյանքում մի բան

գիտե՝ հանդի ու տան ճանապարհը: Նա իր ընտանիքի անդամների հանդեպ մեծ

պատասխանատվություն ունի, նաև մի հստակ կողմնորոշում ունի՝ պահպանել ընտանիքը, թեկուզ և իրեն չսիրող կնոջ հետ: Իսկ Սիմոնի դավաճանությունը Սոնայի հետ սոսկ տղամարդկային Էգոյի ինքնահաստատման փորձ է: Նա իր տղամարդկային առավելությունները հաստատելու, բայց ավելի շուտ՝ սրտնեղությունից՝ տարբեր առիթներով ծեծել է Ադունին, բայց պարտվողը միշտ ինքն է եղել, որովհետև „մեծ իրավացին ինքն էր, բայց փաստական ճիշտը՝ Ադունը” (Երկեր, 1985թ. հ. 2, Էջ 61): Սիմոնը հոգու խորքում դեմ էր Ադունի քաղաք

զնա-
լուն, բայց գերադասում էր լռել՝ թաքցնելով իր՝ Ադունի հանդեպ տարիներով կուտակած վախը: Սիմոնը չի սիրում Ադունին. „ եթե մեր մեջ սիրո պես մի բան

եղել է՝ այդ եղել է Ձորագես կայարանի լուսավոր խանութում” (Երկեր, 1985թ. հ. 2, Էջ 15): Սակայն նրանք շարունակում են իրենց համատեղ կյանքը, պահպանում

են դառնությամբ ստեղծած իրենց խաբուսիկ բարեկեցության պտուղները՝ հանուն

հասարակական կարծիքի:

Ադունի աչքին միշտ մեղավոր Սիմոնը ոչ մի ձևով չի կարողանում բավարարել կնոջ ցանկությունները և հերթական անգամ ջղայնանում է, երբ ուշանում է

Ադունին քաղաք ճանապարհելիս: Սիմոնն էլ է դժվար կյանք ապրել, կյանքը իր դժվարություններով և Ադունն իր դժգոհություններով նրան դրել են ծանր վիճա-

կի մեջ: Նա ապրում է չսիրած կնոջ հետ, այդ պատճառով էլ կնոջը պատվիրում է, որ տղային համոզի, որ չչտապի և զագս չգնա: Սրանով Սիմոնն ուզում էր և

իր հայրական դիրքը շեշտել, և՛ միաժամանակ որդուն ազատել անհաջող ամուսնության վտանգից: Սիմոնը իր արժեքային համակարգով մարդկային տեսակ է, որը հայտնագործել և կերպավորել է գրողը: Աղունի և Սիմոնի կերպարները լրացնում են միմյանց: Նրանք իրենց արժեքային համակարգով և հակադրվում են իրար, և՛ միասնական են, և դրանով հաստատում են կյանքի ամբողջությունն

ու լիարժեքությունը:

„Աշնան արև” վիպակի ավագ սերնդի ներկայացուցիչները՝ Աղունի սկեսայր Աբելը, հայր՝ Իշխանը, սկեսուրը արտահայտում են իրենց ապրած ժամանակաշրջանի աշխարհընկալումը: Նրանք երեք սերնդի հերոսներից առանձնանում են իրենց արժեքային համակարգով: Այստեղ առկա է նաև հայրեր և որդիներ

հակադրությունը: Ավագ սերունդը ավելի հակված է նահապետական վարք ու բարքին, պահպանում է սերնդեսերունդ փոխանցված բարոյահոգեբանական հատկանիշները, հակված է ավելի պահպանողական կեսաձևի: Այդ է պատճառը, որ Աղունը ասում է. „Կռիվ չկա, կամք չկա, լավ ապրելու ցանկություն չկա, կարտոլ է՝ կարտոլ կեր” (Երկեր, 1985թ. հ. 2, Էջ 7):

Աղունի սկեսայրը՝ Աբելը, վաղուց չկա, նրան հիշում է Աղունը, նրան մենք տեսնում ենք Աղունի հուշերի մեջ: Աբել ապին ծանր ու խիստ, սարերի նման չոր ու կոպիտ բնավորությամբ, նահապետական նիստ ու կացին վարժված ընտանիքի հայր է: Նա վիպակի ավագ սերնդի այն ներկայացուցիչն է, որին խորթ է ամենաառօրեական տոնականությունը, եթե դրանում չկա նյութա կանը:

Աբելն ու Արուսը Իշխանի տնից հարս են բերել մեծ օժիտի ակնկալիքով: Եվ հանկարծ „կնյազ Իշխանի” աղջիկը ճմակուտ է գալիս „դատարկ օժիտով”:

Նա ծաղրում է Աղունին, առանց օժիտ հարս գալու համար. „կնյազ Իշխանի տա-
նը էլ բան թողել ես, թե եղածը ես է. սրբել բերել ես, աղչի”,- ասում է Աբել ապին:

Աղունի հայրը՝ Իշխանը ևս Աբելի նման նույն ժամանակի և իրականության
ծնունդ է: Աղունը երեք օրական է եղել, երբ Իշխան հոր հարվածից մահացել է
Շողեր մայրը: Այդ նույն Իշխանն է ասել, որ „թողը լավ տղա դառնա”, թեև
ժա-

մացույց է առնելու: Այս երկու փոքրիկ դիպվածով բացահայտվում է Էականը.

Նախ՝ Իշխանը խփել է կնոջը ոչ սպանելու մտադրությամբ, հետո՝ թռռան „ լավ
տղա դառնալու” պապի ցանկությունը, նաև երազանքը: Դրանք ընդունված են
եղել, դրանք նահապետականության արտահայտությունն են և բնական
կեցություն:

Այստեղից կարող ենք ասել, որ Իշխանը և Աբելը, թեև տարբեր, բայց
սերնդակից

են, և նրանց կեցությունը, աշխարհայացքը նույն ժամանակաշրջանին բնորոշ
երևույթներ են:

Աղունի ներաշխարհում չարի պատկերացման երկու մակարդակ կա՝ Իշխանը
խորթ մոր հետ և սկեսուրը: Եթե Իշխանը իր արարքով ոչ մի արդարացման
չի

արժանանում, ապա պառավ սկեսուրին նա խղճում է: Դա նաև սերնդային ան-
համաձայնության վկայություն է: Ագրեսիվ Աղունին սկեսուրը խրատում է.
„վատ

եմ եղել ... Աստված ինձ վատ է ստեղծել՝ վատ եմ եղել ... ես քեզ խրատ՝ հարս-
ներիդ հետ դու լավ կլինես” (Երկեր, 1985թ. հ. 2, էջ 28): Նա իրենից դժգոհ հարսին
հասկացնում է, որ իրենով չէր պայմանավորված Աղունի երջանկությունը. Նա իր
ունեցածից այդքանն է կարողացել տալ նրան. „ Իմ ունեցածը գոմ էր, գոմ էի

տվել” (Երկեր, 1985թ. հ. 2, Էջ29): Սկեսուրը նահապետական մտայնության տեր է և իր խարդավանքներով փորձում էր աջակցել տղայի կյանքի բարօրությանը: Չնայած հարսը և սկեսուրը տարբեր սերունդների կանայք են, սակայն բոլոր դեպքերում նրանց կարծիքները համընկնում են Սիմոն մարդու և ամուսնու գնա-

հատման հարցում: Մայրը որդուն սեր ու գուրգուրանք է կամենում, կինը՝ բարե-

կեցիկ ապրելակերպ: Եթե կյանքի դժվարությունները Աղունին չարացրել են, և նա

հիշաչար է, ապա նաևին դարձել է մեծահոգի, և նա ներողամտությամբ է վերա-

բերվում Աղունի խայթոցներին:

Վիպակում Յրանտ Մաթևոսյանն Աղունին հակադրում է հարևանուհի Արուսին:

Այս երկուսը միանգամայն տարբեր արժեքային համակարգի ներկայացուցիչներ են, որի բացահայտման գազաթնակետը Աղունի և Արուսի երկխոսությունն է: Ա-

ղունը՝ ջղագրգիռ, ջղային, Արուսը՝ հավասարակշռված, գյուղական կյանքում կոփված կնոջ կերպար: Արուսը, ի տարբերություն Աղունի, գոհանում է իր ունե-

ցածով, գնահատում է իր ամուսնուն, ուրախ ու հեշտ է ապրում և նախատում է Աղունին. „Աշխարհը հեշտ է, Աղուն, բայց դու դժվարացնում ես ու քեզ էլ ես սպանում, ուրիշներին էլ” (Երկեր, 1985թ. հ. 2, Էջ 37):

Ի տարբերություն Աղունի՝Արուսը, սկեսուրը, հորաքույր Մանուշակը, որին մենք

հանդիպում ենք նորից Աղունի հուշերում, ավանդապաշտ մտայնության տեր կանայք են:

Հետաքրքիր աշխարհայացքի տեր են վիպակի երրորդ սերնդի հերոսները՝ Սերոն ու Արմենակը՝ Աղունի որդիները: Կրտսեր որդին՝ Սերոն, ըստ Աղունի գյուղի ապագան է, ըմբոստ, սակայն մորը ծառայելու պատրաստ մի պատանի: Սերոն մորն „ուղեկցում” է վիպակի սկզբից մինչև վերջ և քաղաք մեկնելու պատ-
րաստության ընթացքում մայրը գրուցում, խրատում, նախատում է որդուն, որով-
հետև որոշակի երազանքներ ունի նաև կրտսեր որդու ապագայի նկատմամբ, կա-
տակով նրան „պրոֆեսոր” է անվանում: Սերոն ևս նոր ժամանակների երի-
տասարդների նման ձգտում է քաղաք գնալ, սակայն հանդիպում է մոր համա-
ռության պատին: Նա պետք է մնար գյուղում, նա գյուղի, Աղունի, Սիմոնի բա-
ժինն էր: Ավագ որդուն՝ Արմենակին քաղաքը տարել էր, իսկ կրտսերը իրենցն էր:
Նա Սերոյին հանձնարարականներ է տալիս, ընթացքում ի մի է բերում իր ան-
ցած ճանապարհը, իր գրկանքները, պապի և հորեղբոր վերաբերմունքը իր
հան-
դեպ, ապա „ գծում” էր որդիների հետագա կյանքը և ասում. „...կգաք, կասեք
գե-
րեզմանիս. այ մեր, մենք են ենք, ինչ որ դու ուզում էիր...”(Երկեր,1985թ. հ. 2,
Էջ8):

Աղունի աշխարհայացքը ամբողջանում է հատկապես ավագ որդու վերաբեր-
յալ մտահոգություններում: Հանձին Արմենակի՝ նա իր չիրականացած երա-
զանքների մարմնացումն է տեսնում և ցանկանում է ամեն գնով նպաստել նրա
հաջողություններին: Սիմոնին մեղադրում է, որ անճար է. պիտի որդու ղեկա-
վարներին հրավիրեր գյուղ, հյուրասիրեր, որովհետև այդպես են անում քաղա-
քում ինչ որ բանի հասնելու համար: Նա պատրաստվում է քաղաք գնալու և

միևնույն ժամանակ մտովի խորհուրդներ էր տալիս որդուն ապրել ժամանակին համարժեք, որովհետև՝ „քո բաժին տանջանքը ես արդեն քաշել եմ” (Երկեր, 1985թ. հ. 2, էջ 42): Եվ եթե դուրս գանք այն հանգամանքից, որ Արմենակը Աղունի որդին է, ապա գրող Ջրանտ Մաթևոսյանը հավանաբար նկատի է ունեցել իրեն, „սառած կարտոլի” մասին հիշողությունը իր ծանր մանկության տարիների արձագանքն է, և ինքը միշտ էլ ասել է, որ իրենք այդ ժամանակի „կարտոլի տղերքն են”:

Եզրակացություն

„Աշնան արև” վիպակի բոլոր հերոսները լրացնում և մեկ ամբողջություն են դարձնում գյուղի մարդկանց բարոյահոգեբանական նկարագիրը: Այդ մարդիկ արդեն գուրս են գալիս նահապետականության կապանքներից: Գիտատեխնիկա-

կան հեղափոխությունը մուտք է գործել գյուղ, և գրականությունը չէր կարող
ան-

ուշադրության մատնել իրականության վերափոխմանը: Փոխվում են ժամանակ-
ները, փոխվում է գյուղը, փոխվում են նաև մարդիկ, մարդկային
հարաբերություն-

ները: Նահապետականի և Նորի հակամարտության մեջ հակասություններով լի
ժամանակահատված է: ԵՎ այստեղից էլ, հատկապես միջին և երիտասարդ սե-
րընդի ներկայացուցիչների աշխարհընկալումն ու արժեքային համակարգի երկ-
վությունը:

Չերոսները յուրովի ինքնահաստատվում են, նրանց աշխարհընկալման
դրսևո-

րումները ճանապարհ են հարթում արևի տակ իրենց տեղը ունենալու համար:

Օգտագործած գրականություն

1. Ս. Փանոսյան.- Չրանտ Մաթևոսյանի ստեղծագործությունը. ԵՊՀ հրատ.

Երևան, 1984 թ.

2. Կ. Աղաբեկյան.- Զր. Մաթևոսյան. Ծմակուտի վիպասքը, ԵՊՀ հրատ.

Երևան, 1988 թ.

3. Մ. Չաքարյան.- Զետարդիականության արժեքային համակարգը Զր.

Մաթևոսյանի <<Աշևան արև>> վիպակում

4. Ինտերնետ պաշարներ

5. Զր. Մաթևոսյան, երկեր 2 հատորով, Երևան, 1985 թ.